

# 100 + KAMP 2017

2017 se 100+ saamtrek is vanjaar weer aangebied deur Gebied Jakaranda by Kaia Manzi gedurende die naweek van 10-12 Maart.

Daar was 16 gesinne verteenwoordig uit vier Gebiede, naamlik Jakaranda, Oosrandia, Oos-Transvaal en Goue Weste. Johan & Bettie van Streek Goudrif en Nico & Bertha van ons buurstreek, Roodekruin was Goue Weste se verteenwoordigers.

So 'n uur en vyftg minute se sleep vanaf Randfontein bring mens by Kaia Manzi op die noordelike oewer van die Bronkhorstspruit Dam. Lowergroen gras en 5-ster ablusie geriewe maak die oord iets om te onthou. Vrydagaand was daar heerlike kerrie-skaapvleis jaffels en na boekevat lekker gekuier.

So teen die na-nag het daar 'n nukkerige kouetjie opgekruip vanaf die water se kant en 'n ekstra kombars het die ding geding.

Saterdagoggend na boekevat is gesamentlike ontbyt gemaak, verkieslik in die vol son om te kompenseer vir die effense koel weer.

Saterdagoggend was die tradisionele saambraai en daarna die konsert met die aankondiging van die 2017, 100+ babas.

Sondagoggend die erediens (foto) en toe het al die oud-babas teenwoordig op die saamtrek geposeer vir 'n foto: vlnr André & Juliana 2008, Daniel & Paula 2017, Rudi & Ilse 2016 en Johan & Bettie 2000.

